

Hoz es il Di dals amalos



FAURER



Il Di dals amalos

Ad ho navieu sur not. Bod ün mez meter naiv ho que do! Carla s'allegra dad ir a scoula e giuver cun si'amia Nora illa naiv. A scoula tschaintan ellas üna sper l'otra e Carla voul disegner insembel cun Nora il plan da l'iglu ch'ella voul fabricher. Qualchosa es però curius: uschigliö spetta Nora adüna davaunt l'entreda da la chesa da scoula per ir insembel cun Carla in stanza da scoula. Hoz nun es Nora però cò. Eir cur chi sclingia nun es Nora aunch'adüna na cò. Ed eir cur cha tuots haun lur etuis e quaderns sün maisa, nun es Nora aunch'adüna na cò. Forsa so la magistra qualchosa. «Inua es Nora?», dumanda Carla. La magistra pera dad esser trista. Ed es que perfin üna larma in sieus ögls? «Chers iffaunts», disch la magistra a tuot la classa, «Nora es

amaleda. Sia mamma ho telefono ed ho dit ch'ella saja già daspö her saira a l'ospidel.» «O, na..., povra Nora!», claman ils iffaunts. «Ma ella es sgür bainbod darcho sauna», disch la magistra. «Eau d'he ün'ideja!» Carla saglia in pè: «Nus pudessans fer qualchosa per Nora per ch'ella dvainta auncha pü svelto darcho sauna!» Tuots chattan que üna bun'ideja e cumainzan dalum culla lavur. Ed els nu faun be qualchosa per Nora, dimpersè eir per oters iffaunts e creschieus chi sun amalos – ad es nempe bainbod il Di mundiel dals amalos. Daspö il 1993 es ils 11 favrer il di per penser e güder als amalos. L'ideja per ün têt di ho gieu l'anterior papa Gian Paul II cur ch'el d'eira svesc üna vouta fich amalo.

Hest tü già let l'istorgia da Luisa chi stu ir a l'ospidel? L'istorgia chattast tü sün pagina 52 dal seguaint cudesch:

- Flurina Plouda, Yvonne Gienal
La famiglia Babulin, Nouvas aventüras
Lia Rumantscha, 2018
da retrer sün www.liarumantscha.ch



Hest tü già üna vouta stuvieu ir a l'ospidel?

Cugnuoschast tü a qualchün chi'd es güst a l'ospidel?

Che faun tieus genituors cur cha tü est amaleda u amalo?



Fo dal bain


Idejas pel Di dals amalos:

1

Scriva üna charta.

Fo ün video e'l trametta
a qualchün chi'd es amalo.

Fo ün disegn.




Scriva üna poesia.

Fo üna collascha.

Trametta üna tschiculatta.

**Pittüra u zambragia fluors da
palperi u chartun. Quellas poust
tü alura regaler a la persuna
amaleda.**



* Ün recept cun sü ün smiley chattast tü aint
il material dal «Di dal surrir».

**Fo ün pèr pappas* e las porta
u trametta a la persuna
amaleda.**


**Trametta üna carta postela
cha tü hest creo cun il
PostCard Creator.**



Trametta üna carta postela

3


- 1 Culurescha la carta postela e scriva ün bun giavüsch.
- 2 Taglia our la carta e pleja per lung da la lingia culs strichins.
- 3 Colla insembel la carta postela.
- 4 Trametta la carta.



Trametta üna carta postela

4


- 1 Disegna qualchosa sülla carta postela e scriva ün bun giavüsch.
- 2 Taglia our la carta e pleja per lung da la lingia culs strichins.
- 3 Colla insembel la carta postela.
- 4 Trametta la carta.



In famiglia

Idejas che fer, scha tieu bap u tia mamma haun la grippa u sch'els drouvan üna vouta üna posa per rester sauns:

Prepara qualchosa da manger chi do forza, p.ex. üna schoppa u ün pitschen dessert.



Pleja insembel ils vstieus lavos, p.ex. ils stinvs u ils süjaintamauns.

Güda a fer qualchosa in chesa, p.ex. fer cul tschütschapuolvrä.